



KOMUNIKADO PA PRENSA

Fecha
1febrüari 2016

Accountmanager
Corinne Leysner

Email
corinne.leysner@gobiernu.cw

PLENCHI POU TA HAÑA KARA NOBO

Willemstad – E area na Juraweg, Sta. Helena, konosí komo Plenchi Pou, ta kambia di kara. Riba djarason dia 3 di febrüari próksimo Minister Suzy Camelia-Römer di Tráfiko, Transporte i Planifikashon Urbano, huntu ku representantenan di e bario, ta hasi apertura di e proyekto pa medio di un seremonia di ‘groundbreaking’. E trayekto paambio di e area ta tuma mas òf ménos seis siman, loke ta nifiká ku den luna di mart Sta. Helena tin un bunita plenchi den su bario pa e habitantenan hasi bon uso di dje.

Planifikashon Urbano (ROP) i Obranen Públiko (OW) `a honra e petishon di bario di Sta. Helena mes, pa un adaptashon di e plenchi. E petishon ta kuadra ku e meta di e ministerio pa mehorá kalidat di bida den bario i drecha seis plenchi den diferente bario. Huntu ku e komishon di bario a yega na e diseño, ku ta inkluí un pèrgola pa aktividatnan di bario, un area pa mucha por hunga den dje, un pat pa kana riba dje, plantashon di mata di freskura i tambe iluminashon públiko. Rònt di e plenchi ta bini lugá pa stashoná outo. E plenchi ta haña kashinan di komunidat (community boxes) di Cpost tambe, kaminda habitantenan di bario por buska nan pòst.

E adaptashon di e plenchi ta na enkargo di e kontratista Aliansa Civil & Roadworks. E trabounan no ta forma moléster pa tráfiko, pero tòg semper ta bon pa tuma nota di eventual indikashon diambio di tráfiko ku por surgi. Tambe ta spera kompreshon di e habitantenan den besindario pa e trabounan ku por okashoná un tiki moléster aworaki pero despues ta kontribuí na alsa e kalidat di bida den e bario. Ku proyektonan asina, Kòrsou ta bira di bèrdat un tremendo lugá pa biba.